



UNIVERSITÄTS-
BIBLIOTHEK
PADERBORN

Horologium Spirituale Scholasticorum Societatis Jesu

Dirckinck, Johann

[Osnabrugi, 1696

Piè incumbendi.

Nutzungsbedingungen

[urn:nbn:de:hbz:466:1-55025](https://nbn-resolving.org/urn:nbn:de:hbz:466:1-55025)

pedire desidero. Tibi vigilo mi Iesu, tibi dormio, tibi vivo, tibi morior.

III. Ad SPIRITUM SANCTUM.

O Spiritus sanctissime! omnia nocturna phantasmata, somnia & vitiorum irritamenta, contra voluntatem meam esse ac fore protestor: dignare sub alas protectionis tuæ suscipere, ut in te securè vivere, in te centro cordis mei requiescere valeam.

IV. Ad Beatissimam VIRGINEM.

Permitte, obsecro, Mater amantissima, sub pallii tui cœlestis umbra & protectione securè quiescere, Deumq; meum, etiam dormiendo secundum voluntatem ejus laudare. Maria Mater gratiæ, Mater misericordiæ, tu nos ab hoste protege & mortis horâ suscipe!

V. Ad S. ANGELUM CUSTODEM.

Angele mi Custos fidelissime, qui me dormiente vigilas, totaq; nocte mihi assistere non dedignaris: advigila obsecro ad me, meos, totamque domum hanc, ac Dæmonis insidias ab ea repelle, meo loco, assidue Deum lauda, & ad laudes ejus, cras statuto tempore resumendas me excitare dignare.

VI. Ad SS. PATRONOS.

O Sancti Patroni mei NN. me quiescentem protegite, vicésq; meas in laudando Domino Deo nostro supplete, misericordias ejus hac nocte & in æternum cantantes. Impetrate mihi quoq; gratiam, in gratia ejus semper vivendi & moriendi, ac gloria ejus æternum perfruendi. Amē.

Praxis piè incumbendi.

I. Cubiculum ingressus te & lectum aquâ lu-
stra-

strali asperge, memor Dei & S. Angeli tui præsentis, vestes decenter exue, & si preces prædictæ absolutæ sint, psalmum miserere vel de profundis pro defunctis vel illa nocte expiraturis recita.

II. Post hæc ad lectum velut ad lethum, ad somnum velut ad fratrem mortis te compara. Le-ctâ ingressus, dic cum piissimo Joanne Bergmanno: Ecce fortassis sepulchrum ingredior, vitæ incertus, nec crastinum certò mihi polliceri ausus.

III. Deinde re-voça obiter in memoriam puncta crastinæ meditationis, & horam quâ cras surgendum erit, juxta præscriptum S. P. N. in Lib. Exercit.

IV. Deniq; lateri dextero incumbens, involutis decenter indusio genibus, & decussatis ante pectus brachiis, somnum operire, dicens, in pace in idipsum, dormiam & requiescam: In manus tuas Domine commendo spiritum meum, cum desiderio intimo toties te Deum meum cherubicè laudandi, ac seraphicè amandi, quoties per noctem corporis arteriæ salient.

F I N I S.

INDEX HOROLOGII SCHOLASTICORUM.

Instructio prævia de perfectione operum p. 1.
P R A X E S.

Religiosè surgendi. p. 33	Piè incumbendi p. 218
Persolvendi preces matutin. 26	Vespertinas. 217
Formandi intentionem. 44.	Meditandi 52
Orandi ad trinum campanæ pulsum	
Mane 66.	In meridie 174
Audiendi de votè sacrum	Vesperis 206
	68